

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05), na sjednici Državne regulatorne komisije za električnu energiju, održanoj 24. jula 2019. godine, donijeta je

## **ODLUKA**

### **O ODOBRENJU INDIKATIVNOG PLANA RAZVOJA PROIZVODNJE ZA PERIOD 2020. – 2029. GODINA**

1. Odobrava se Indikativni plan razvoja proizvodnje za period 2020. – 2029. godina, koji je utvrdio "Nezavisni operator sistema u Bosni i Hercegovini" na 162. sjednici Upravnog odbora održanoj 14. juna 2019. godine.
2. Ova odluka stupa na snagu danom donošenja, a dispozitiv odluke bit će objavljen u "Službenom glasniku BiH" i službenim glasilima entiteta.

#### *Obrazloženje*

Nezavisni operator sistema u Bosni i Hercegovini (u daljnjem tekstu: NOS BiH) dostavio je 30. aprila 2019. godine Državnoj regulatornoj komisiji za električnu energiju (u daljnjem tekstu: DERK) Odluku o utvrđivanju Indikativnog plana razvoja proizvodnje za period 2020. – 2029. godina, broj 25/19, donesenu na 157. sjednici Upravnog odbora NOS-a BiH od 29. aprila 2019. godine, kao i tom Odlukom odobreni Indikativni plan razvoja proizvodnje za period 2020. – 2029. godina (u daljnjem tekstu: Indikativni plan). O ovom planskom dokumentu, na inicijativu DERK-a, 2. aprila 2019. godine obavljena je javna rasprava.

DERK je detaljno razmotrio dostavljeni Indikativni plan, te je svoja zapažanja i komentare uputio NOS-u BiH 28. maja 2019. godine, zahtijevajući doradu ovog planskog dokumenta i njegovo ponovno dostavljanje DERK-u na odobrenje.

NOS BiH se dopisom od 10. juna 2019. godine očitovao na iznijeta zapažanja DERK-a, te najavio da će se na prvoj narednoj sjednici Upravnog odbora razmatrati DERK-ov poziv za doradu Indikativnog plana i utvrditi inovirana verzija.

Konstatirajući da u inoviranom dokumentu nije uvažen značajan dio ranije upućenih zapažanja, DERK uz donošenje ove Odluke Zaključkom broj 05-28-13-144-9/19 od 24. jula 2019. godine naglašava svoje stavove o načinu i proceduri izrade Indikativnog plana, na kojima će insistirati i u narednom periodu.

Zauzimajući stav da je ipak prioritetni cilj nastavak daljnjih planskih procesa koji su vezani ili uvjetovani Indikativnim planom i definiranje razvojnih usmjerenja prijenosne mreže, i pored rezervi iznesenih u Zaključku, DERK je donio odluku kao u dispozitivu.

Broj: 05-28-13-144-10/19

24. jula 2019. godine

Tuzla

Predsjedavajući Komisije

Suad Zeljković